

四庫全書

集部

欽定四庫全書

集部
成都文類卷八

詳校官左中允_臣瑯五珠

助教_臣常循覆勘

總校官知縣_臣繆琪

校對官編修_臣邱庭澄

騰錄監生_臣慕湘文

欽定四庫全書

成都文類卷八

宋 扈仲榮等 編

詩

亭館二

暑雪軒

吳拭

呪土臺頭寺披襟笑語聞千年雲抱石六月雪彌山酒
熟筍嘗外茶新輾試間要湏時點筆來此賦躋攀

和

周燾

崇臺窮石照氣味樂偷閒南陸朱明馭西關白雪山茶
甌回舌本麈尾落談閒欲綴風煙句彌高不可攀

和

田望

聖福軒重敞偶來心地閒因談丁士冢知是武擔山人
在水壺裏天垂玉壘間賡歌白雪句巴客強追攀

和

孫竢

地僻宜避暑官曹幸頗閒虛傳力士擔始信蜀妃山嶺

雪青霄畔城煙密樹間清談容款接妙句獨難攀

和

王澧

望處疑蓬島天長碧海間雲霞收玉宇煙浪湧銀山茶
入清談裏風生兩腋間詩成似西嶺高嶮不容攀

再賦暑雪軒

田望

灑落全無酷暑侵望中冰雪列遙岑潜通爽氣生虛室
盡道宜人似桂林不與白雲分界限自期紅日作知音
年年煩燠無逃處賴有清涼此解襟

金史卷之三
卷八
和

吳拭

石照臺高暑不侵雪橫天際蜀西岑但知賦客如梁苑
那得參徒似少林月上便成銀色界風生燕作海潮音
可憐火宅人空老誰解跣跣一解襟

和

王禮

層軒高棟與雲侵照眼峩峩雪滿岑寒入欄干欺畏日
煙橫圖畫失遙林雍容樽俎開金地模寫風光要玉音
萬里岷峨今更重太平蒲翰作喉襟

和

孫竇

懶性難堪俗事侵
倚空欄檻列青岑
雲端白雪凝高嶺
郭外長江繞茂林
踈曠幸陪文字飲
喧棲安用管絃音
此窗一枕羲皇夢
却快微微風動襟

合江亭

周燾

共思赤腳踏層冰
聊適江臯興自清
昨夜雨雲驅濁暑
曉來煙水快新晴
山疑九疊張雲勢
灘激千巖落布聲
巾履從來在丘壑
願陪閒日此間行

又

前人

却暑追隨水上亭東郊乘曉戴殘星餘歌咽筦米幽浦
薄霧踈煙入畫舸興發江湖馳象魏情鍾原隰詠飛令
故溪何日垂綸去天末遙岑寸寸青

和

田望

六月期分午簟冰合江亭上逼人清紅雲影落知香沼
少女風迴自畫晴出郭偶然成至樂聯鑣那更得同聲
登臨觸目俱無礙真率何妨酒數行

又

前人

翩翩飛蓋出東城自笑無堪廁德星
幾段綺霞烘白日一江文練繞疎
舲論詩心屈囊中句求友情均原上
令坐久惠連空注想池塘春草謾青
青

和

孫竈

炎夏江風冷欲冰坐陪索謝有餘清
舊聞蜀地四時雨今快岷山千里晴
旋切銀絲嘗鱸味聊歌玉枕聽灘聲
晚來忽起扁舟興更傍中流看月行

又

前人

西南都會錦官城持節來尋漢客星去國謾追千里馬
族後公數
日出京還家擬泛一帆舸公才磊落宜方面我病荒
踈冒使令未許東山同笑傲勝遊聊可上丹青

和

王禮

膚使中心若飲冰合江宴集更思清涼風輕拂來幽戶
暑雨乍收新霽晴蕭洒虛亭迎野色玲瓏遠水漱溪聲
公餘自得高吟賞還轡雍容帶月行

又

前人

錦水洋洋照岸亭
坤維使者聚華星
雨清沙路聯飛蓋
風動蘭舟啟畫舳
坐客何須聞管吹
邦人渾似喜盧令
帥元吟詠添嘉致
子美堂前草愈青

和

吳拭

使者風流照錦城
東郊攬轡更澄清
春江合處煙凝曉
秀嶺橫邊日弄晴
石鼎煮茶濃有味
金鐘注酒醺無聲
何時却信橋南步
細讀詩人古柏行

聞公載酒合江亭要使邦人識使星宿雨乍晴聊信馬
曉風初熟更揚舲賦成不是緣鸚鵡詩就當和為脊令
只欠湘靈來鼓瑟漁歌聲斷數峯青

賦新繁周表權如詔亭

趙抃

誥出義方語亭更如詔名為郎拜天寵有子擅家聲健
羨鄉評美光輝野史榮綵衣官亦重門外擁雙旌

同前

吳中復

君構義方亭人知善教成恩封新誥命詞合舊題名承

襲詩庭訓輝光里閉榮如今綵衣養藹藹振家聲

同前

鮮于侁

楹宇當年惟教育榜題今日侈恩章詩書有道傳家法
綸綍無私及義方肯構新基人共羨舊趨子舍自生光
喧闐里閉容千騎盡看承願拜壽觴

同前

劉孝孫

義方曾榜舊亭名子已為郎典要城身服上恩今日顯
詔符前語是人驚正如伯起鱸堂兆

鱸郭璞音
知然反

兼勝于

公駟開榮試問繁江諸父老詩書何以寶金籬

同前

張商英

烏犀解軸黃金裝吳綾蜀錦鸞鳳翔歐虞飛毫灑中詔
帝曰咨汝田曹郎汝能教子以義方濟濟來仕吾國光
賁汝爵秩及身章潛德晦耀吾豈忘田曹有亭在繁上
舊以義方揭亭榜安知教子三千年契合前言被天獎
翰林為易如詔名春入丘園添氣象里老來觀歸賁兒
急尋字解治王詩綵衣朱襦典便郡簡池太守真汝師

同前

大同

繁上先生教子時義方高榜貼亭楣當年此地開師席
今日其言入制詞鄉里共傳為盛事鬼神相助使前知
後人若續成都記第一祥書不可遺

同前

李琮

家愛兒孫國愛臣無邪慈教本來均非因積善能傳慶
安見天心語合人席擁詩書纔是樂門多車馬別成春
榜亭豈獨榮樽俎意欲推餘勸里民

金少府人三
卷八
同前

任伋

盡道君家教育深，義方高作靄儒林。
綵衣已是真郎貴，紫詔方旌昔日心。
鯉母趨庭惟獨立，鶴常和子自鳴陰。
此之能事人方信，勝積贏中十萬金。

同前

錢詠

選構人皆事宴逢，獨君教子龍衣良。
方因聞詩禮家題舊，及寵絲綸語命同。
几杖已尊賢老外，龜魚爭煥綵衣中。
新來更喜增榮觀，青鑠才臣贈古風。

益師吳給事近
有寄題此亭詩

同前

李慎修

昔年曾見鯉趨庭締構開基敬燕楹教子義方居可法
褒賢恩詔榜為名人知一玉能成器家鄙千金任滿籛
從此里閭為盛事握蘭華省有才英

同前

馮彭年

先生教子作通儒詩禮親聞伯鯉趨亭構義方名昔著
詔頒封爵語今符榮因慈孝家聲振默契絲綸寵數殊
善慶誰能肩懿躋賢哉奮達美相湏

同前

羅登

詩禮當年學此亭先生題作義方名豈知天詔加褒美
冥合君言被寵榮銀組郎曹新進秩綵衣子舍貴專城
一門忠孝誰能繼官蔭恩先及弟兄

同前

黎持正

義教名亭梗槩存要將詩禮及雲孫當年偶出嚴君意
後日冥符內使言座醕撥醅披茜綬人觀新榜駐高軒
汝南盛事誰能得未獨于公納駟門

同前

白贄

亭名詔語密相沿
湏信從來教義全
肯構嘗探詩禮業
出綸特表父師賢
早安素履知天富
晚服朱衣稱賞筵
不是韋家專講學
豈聞樞戟到門前

同前

陳昂

封典寵巖穴
褒言華日星
其誰盡如詔
何暇更名亭
公昔善教子
家傳惟治經
當年雲榜揭
今日璽書形
籍已貴
同省坐應嘗
隔屏

思道都官郎中
先生都官外郎

公餘褫簪綵服

戲家庭

同前

李惇元

甲第連薨構此亭翰林題榜得佳名詩書舊業傳芳久
綸綍新恩耀俗榮闔省才華推子舍鯉庭義訓是家聲
他年容駟高門盛豈獨于公天慶閣

同前

閻灝

承家愛以義能誨仕之忠故里推全德先生有古風中
郎銀組白刺史錦衣紅浩矣無窮樂春熙醉笑中

右詩十七篇同一石刻范純仁為亭記若分類
世次則不相屬因牽聯載之

遊彌牟王氏園

文同

短釣踈籬入野扃竹煙松露滿襟清奔湍激險飛寒響
弱蔓穿深掛晚英惜去更觀曾畫壁記來重注舊題名
門前便是紅塵道誰肯同過洗俗纓

秋日游合江戲題之亭上

郭思

秋風錦水樂無涯獨上亭軒四望嘉橘子滿林金作塊

蘆梢拂岸雪飛花酒旗高掛芙蓉港漁棹斜趨菡萏家
描入畫圖收取去故人相對飲流霞

子雲墨池

喻汝礪

讀書豈不好憂憤還自茲書中見古人隱閔惻餘思遇
險理有激尋分意多隨娟娟感嫵容戚戚念幽棲曾是
無間然孰馬愜所宜覽之不自聊悵焉起遙悲不如撥
置之濁酒聊一持先生頗多事斯心昧前知亦復坐奇
字慘戚亡所歸

晚泛浣花遂宿草堂

前人

扣棹泛澄虛，濯流睇幽芳。
晚霽襯奇樹，夕霏媚踈篁。
歸鳥亦暫聞，夜魄動初涼。
忽焉衆星微，天高月舒光。
昔也杜陵子，澹然此茅堂。
客至酒自斟，句得意已忘。
云何常念飢，零落在道旁。
古來投入神一飯，豈所望吾輩。
天所窮慨歌，淚霑裳。

游琴臺

前人

臯朔語類俳，上頗倡優之。
嚴君數預事，慘慄失所棲。
慨

彼猜忌姿公卿命如絲夫子廼謁間翩翩富丰儀眷言
彼妹子深情結幽期浩露泛酒甕輕雲思琴徽撫絃視
八荒頗覺秦岫低紛紛漢諸子悟解良獨遲一朝不自
保頸血需裳衣公豈不炯介慮禍蓋已微汚已迥前識
達生邁天倪濶哉昭曠情豈屑後代嗤

草堂詩十二首

前人

燦燦詩翁錦里西只緣詩好合窮棲竹鋪冷色雲連寺
柳漾輕絲鳥過溪凝怨不禁關樹暗駐情應恨蜀山低

離人苦怕春歸盡可忍紅英半著泥

閒把烟光次第陳岷峨風物見精神
翻成錦綉千般樣供與江山幾度春
深屋長河元老大蛾眉曼綠却逡巡
從公乞取無邊手免作詩中半箇人

從交日日敞窗扉嫌怕風光入眼遲
剝買芒鞋供看竹趁乘春雨去栽橙
苦無賓客僧來後薄有生涯鶴下時
聞道隣翁酒初熟新篘一酌莫相遺

遠嶼曲洲縱復橫沙邊繁鳥弄簫笙
一軒簷冷松陰合

十里林香藥草生路轉斷槎逢石坐風移深竹見僧行
晚來冲抱更清曠時有幽人帶月耕

亂後飄零歇此身風光無賴更清新客懷易感酒添病
詩思苦慳花減春南枝北枝鶯舌巧前村後村雨脚勻
暫借溪邊老為客花心柳眼莫撩人

翠木搖艷溪之灣游子失氣生愁酸誇力搏虎筋骨絕
雙流迸巘道路難布衾多年宵夜雨土銼無火啼夜餐
一生忠義老寂寞旋燒竹葉供春寒

詩人以來誰者工建安元嘉無此翁維摩壁畔不到處
伽梨角邊無限風孟郊空教但彭越何景片甲非虬龍
先生佳處在何許我亦不知西北東

朝元閣邊瑤草芳惟君之故遙相望人歸後雁關塞阻
思入南鳬離夢長懸知同心兩相憶瞻欲共看千里光
金輿玉輦不復見腸斷華清雲樹蒼

竹外清疎浸碧溪溪邊竹澹煙雨霏間看雪嶺題詩罷
醉罷西郊信馬歸霄漢直愁雙闕迴夢魂長著五陵飛

故園秀木又春色只恐歸去池臺非

錦官城西春草芳杜陵客子憂思長
浴晴晚樹淡浮綠臥水幽花深度香
交情憫憫言燕阻舊國迤迤雲山蒼
白蘋洲渚落日晚明邊正銜歸雁行

浣花四月天氣和綵舟翠旂樂莫過
離人千里起遙怨緩棹一曲浮靈波
患風曇曇泛衡杜流望演演逾關河
終然有懷春復夏歸去灞澨眠汀莎

支策翳然林水間蕭疎神韻淡風烟
滄浪亭畔各分手

杜宇聲中恰一年自昔風人栽一骨于今捫郊亦么絃
試看堂上百千海餘子浮漚却未全

琴臺

蜀事補亡

宋京

君不見成都郭西有琴臺長鄉遺跡埋黃埃千年乃為
狐兔窟化作佛廟空崔嵬黃鬚老人猶記得昔時荒破
樵蘇入鉏犂畏淺牛脚勻古甕耕開數逾十乃知昔人
用意深甕下取聲元為琴人琴不見甕已掘唯有鳥雀
來悲吟一朝風流隨手盡况復千年何所訊安得雄辭

弔汝魂寂寞秋蕪耿寒燐

墨池 蜀事補亡

前人

君不見子雲草玄西郭門一邐秋草間朝昏何須筆塚
高百尺池墨黥黥今猶存童烏侯巴竟零落玄學無人
終寂寞漢家執戟知幾年垂老身沒天祿閣俗兒紛紛
重劉向思苦言艱動嘲謗漢已中天雄亦亡不較空文
從覆醬如今却作給孤園吐鳳亭前池水寒安得斯人
尚可作會有奇字令君看

書臺

蜀事補亡

前人

君不見孔明書臺遺廟旁古書不見臺荒涼臥龍未起
蜀天遠茅廬日日空南陽亦符光寒白水涸秣陵王氣
猶能作璋若嬰兒操虎狼脫去荊州殊不惡十倍奇才
安用書此臺昔時知有無蜀人思君識古處未若江水
存兵圖黃冠所居門第改祇有坊名今尚在安得臺邊
見古人秋草重生類書帶

草堂

蜀事補亡

前人

君不見少陵草堂背西郭浣花溪水流堂脚竹寒沙白
自淒涼莫問四松霜草薄入門好在烏皮几公去不歸
換鄰里西嶺千秋雪未消舍北泥融飛燕子祇今檣木
平橋路籠竹和煙雜江霧野僧作屋號草堂不是柴門
舊時處詩壇今古誰能將艷艷文章光萬丈安得英才
擅品量當使公居摩詰上

草堂

劉望之

風月藏詩骨流離賦病骸不禁一飽死空遺百生懷樹

秀天通隴山嬌客語淮壁間無半偈無乃望君厓

子雲故居

前人

殺却王章愛孔光舉朝誰復說興亡未能免俗歌新美
豈不懷歸念楚狂斟酒只今猶寂寞小池无舊已荒涼
秋風細雨催人去似恐徘徊費感傷

新都驛遠平軒

前人

霜晴未落送歸鞍袖手微吟此慰顏
願賸欲憑欄招白鳥更煩剪樹出青山
晚悲薄祿非三釜賴許清詩見一斑

軒有外氏周次
元帥蜀時詩

看到遠平纔得恨我寧歸臥尺椽間

宿靈泉無我軒懷次山

蒲瀛

幽軒着無我居此合何人聞道東山隱當時此地親心

源將止水世事甚浮雲今日尋遺跡空餘淡墨春

壁間
有次

山題
字

揚子雲墨池

前人

寂寞一區宅沈冥千載豪人輕執戟賤誰識草玄高蚪
蚪猶翻墨提壺欲載醪著書端有意不必反離騷

王氏碧雞園六詠

王灼

露香亭

北渚一帝子洛川一宓妃池有千種蓮平生所見稀纖
穠各態度紅白爭光輝我來亭上飲夜久未忍歸翁家
採香人但愛香滿衣豈知清露濕圓荷瀉珠璣

鈍菴

俗子如錐利達士如椎鈍乘除付造物多智反自困君
看菴中翁漫浪出方寸臥聽松聲老行觸蘭芳嫩謀身

固未快事過了無恨今人豈辨此勸翁慎勿論

清室

碧鷄古名坊奔騰車馬塵那知小洞天清絕欲無鄰一
室對林樾四時禽語新焚香讀周易意得氣自伸明月
落盃酒冷氣弄衣巾寄語朝市客聲利恐汙人

鑑泉

分來何處泉注此團樂池有如大圓鑑玉匣初開時瑩
然絕纖埃萬象見毫釐主人湖海士曳杖日娛嬉應照

兩侍女新粧弄妍姿亦復照主人鬢髮白絲絲

涼榭

窈窕林影深澹澹波光冷異哉濁惡世有此清涼境側
身朱欄上風煙得幾頃嘯聲出奇響疑在蘇門嶺荷香
遞遙馥如窺太華井要須從翁遊岸巾開日永

層蘭

仙翁有蘭癖肆意搜林垌負牆累為臺移此萬紫青九
畹與九層異世皆可銘收拾衆妙香逍遙醉魄醒隱几

光風度開簾皎月停門前勿通客翁續離騷經

題司馬相如琴臺

邵博

長卿本豪傑禮法安可處手彈南風琴心調東隣女雜
身庸保中初不忌笑侮大者固已立下此皆可補三賦
爭日星一書起今古其餘不自秘輒為人所取何當盡
見之真是文章祖凜然千載下英氣猶可覩兒曹爾何
知杯酒那可汙故臺已丘墟勝絕誰敢掾我來訪遺跡
低徊不忍去詩成欲叫君雲車隔煙霧

楊子雲宅

前人

自負天人學甘居寂寞濱却憐載酒客似識草玄人三世官應拙一區宅更貧千年尋故里感涕獨沾巾

同楊元澈遊杜子美草堂

前人

萬里橋西路幽居今尚存共來披草徑遠去問江村冉冉花扶屋蕭蕭竹映門斯人隔今古此意與誰論

信相院水月亭

馮時行

青天行月地行水水月相去八萬里天公人力誰能移

月在水中天作底我心與月明作兩月行本在青天上
雖云佛說我別說恐落衆生顛倒想少城城隈佛宮闕
客哦水月僧饒舌三峽水寒梅花時起予對月磨此詩

入

李燾

水中之月不可取收攬結成湖上亭天光沉沉射虛白
夜色耿耿含空青竭來窮冬所見異但有破塊黏枯萍
吾心皎潔竟何似本自無物誰當銘

遊盤溪園亭二首

白麟

割忙載酒把寒來指點盤溪花未開撼動東風須好句
掃除積雪放春回

愛梅愛竹愛溪山可惜天公未放閒待學盤溪溪上老
松門雖設日常關

盤溪之遊前一日知幾太博行矣同令君梅下
清飲不無悵然吾人會合之難再賦絕句

前人

君去我來吟賞地盤溪環遶翠微中溪人似祕驚人語

不許從容一醉同

騎鯨人去醉吟來公子風流尊為開笑問竹間梅淡泊
何如筵上舞低回

新作官梅莊移植大梅數十本繞之

范成大

臘前催喚主林神玉樹飛來不動塵契闊西湖慙處士
飄零東閣似詩人一天午夢雲容碎滿地春愁日影新
掃淨宣華藜藿逕他年誰記石湖濱

種竹了題愛山亭

前人

洒掃宣華舍此君煙中月下綠生塵他年葉葉清風滿
莫忘今年借宅人

題錦亭

前人

手開花逕錦成窠浩蕩春風載酒過來歲遊人應解笑
甘棠終少海棠多

新作錦亭程詠之賦詩次其韻二首

前人

飛鴻銜子謾紛紛萬里西遊始識真
不管吳霜微點鬢
來看蜀錦爛爭春倚欄定有司花女秉燭仍留主夜神
異縣賞心誰與共故人新作坐中賓

小築聊鋤草棘荒遊人錯比召南棠
花邊霧鬢風鬟滿
酒畔雲衣月扇香燦爛吟牋煩索句淋漓醉墨自成行
報章遲鈍吾衰矣終日冥搜謾七襄

賦雙流郭信可隱居詩十首

何耕

雲溪

幽居定何如頗恨未見之主人向我言喜色融雙眉脩
簞流翠陰寒溪漾清漪領畧非一狀幽妍發餘姿空濛
雨亦佳潏灑晴更奇豈惟二江獨意恐兩蜀稀主人信
妙士得此固所宜天公閔好景授受各有時豈無多田
翁偃蹇逝莫隨素交懷老蒲秀句紛珠璣安得招歸來
為君賦清詩往者不可作後生欲何為

公與蒲大受
為平生詩友

浮翠橋

隔溪蒼翠各西東架竹為梁路始通缺月鏤林凝淨綠

斷霞明水抹殘紅芒鞋步步幽深處
藜杖聲聲屈曲中
回首忽驚橋已遠冷然身御圓田風

寒碧亭

憑欄日日俯清湍洗竹年年斬惡竿
十頃琉璃秋色靜
一林筴籜曉聲寒涼風有意生天末
明月無邊照水端
誰謂過清難久處愚溪元自不相安

遠色閣

小小樓居著散仙淵明真趣本悠然
招呼雲月欄干曲

顧楫江山拄杖前獨鳥倦歸翻落日誰家晨爨起踈煙
根塵應接無留礙笑殺胡僧面壁禪

假山

空庭幻出小嶙峋假外應湏別有真只恐話頭成兩極
若為融攝主和賓

蓮塘

色香無比出西方何物妖狐號六郎手折一枝聊供佛

前身定是老柴桑

劉遺民為柴桑令
在遠法師蓮社中

龍淵

門前大江何渺漫昔人飲牛水為乾水乾龍逝亦其理
近在咫尺聊泥蟠魚蝦玩侮獧獪笑縱有靈怪誰當看
德人問舍壓吾境便爾築室相遮欄坐令異類皆屏伏
恃有此耳差少安却紆朱紱去監郡遣我守舍良獨難
昨來過門恍如夢龍致此語催歸鞍先生不信反不笑
謂我饒舌狂豐干

虛舟

君不見江臯車馬紛相送
巨觴我我舡載重西南使者
解官歸水淺著沙牽不動如君材具豈多得合侍明光
參法從胡為淺瀨著虛舟頗肖胸中太空洞問君此意
竟安在欲說向人誰與共山林鐘鼎本同轍繫岸截江
隨所用八窗窅窅淨無塵一水冷冷清可弄何當抱被
過君眠分破江天幽夜夢

忘機臺

太虛生微雲機事日夕繁兼忘豈不佳尚有忘者存稽

首老龐翁妙處希一言請觀臺上月萬古無昭昏

和光亭

枯木倚寒巖三冬無暖氣達人定汝笑胸中太涇渭不
妨聲色海徑造佛祖地所以亦樂翁花前時一醉

公自號亦

樂居士

段文昌讀書臺兩絕句

前人

段公曾此讀書讀破應須萬卷餘家禮一傳為雜組
稗官收採附虞初

隴麥漸漸滿意青只憂春早起蟲頻當年人誦禱而雨

台向茲山試乞靈

是時正潤雨故云

自合江亭過渡觀趙穆仲園亭 前人

喚舟芳草渡繫馬綠楊陰步入莓苔徑門開花竹林王

孫隨牒遠娶女隱雲深

穆仲宗室子今通守婺州

想見西南望悠悠

空賞心

從何使君父子遊墨池分韻得名字

李燾

欽定四庫全書

成卻文類
卷八

蜀學擅天下馬王先得名簪如巧言語於道蓋小成子
雲最後出振策思遐征斯文大一統歟使聖域清富貴
盡在我絃絕非所榮旁皇天祿閣聊亦觀我生懷哉不
能歸舊宅荒榛荆寂寞竟誰顧正路今莫行使君蓬萊
仙弭節歸赤城門無俗賓客家有賢父兄慨念此耆老
不登漢公卿臨池一尊酒尚友千載英并呼嚴與李月
旦共細評區區可無憾彼重適我輕竭來成都市塵土
污冠纓古人不可見見此眼自明請為懷古詩玉振而

金聲

遊東郭趙氏園

陸游

清晨呼馬出馭吏請所之錦城浩如海我亦無與期有
花即入門莫問主人誰下馬據胡牀傲睨忘訶譏人言
白頭翁胡為尚兒癡老翁故不癡借花發吾詩詩句帶
花香東風不敢吹徘徊雙蛺蝶許汝鼻端知

過張白雲先生故居

孫松壽

世外煙霞未易期可入平野淡秋曦籃輿出郭夢差好

竹杖臨流意共遲已覺此懷飛縹渺不須明月問盈虧
仙翁騎鶴歸來否舊隱林高綠更奇

賦成都張氏蜀錦園

前人

池南池北蜀宮春紅濕花枝壓錦城袖手縱觀花似笑
相看一脉話尤情

乾坤開闢記王春劍閣崢嶸拱帝城不許此花歸閬苑
錦臺南畔古今情

過子美草堂

馬甫

樓遲九月錦水行獨過草堂西出城村樹冉冉秋照白
水花漪漪江水明溪邊三重結茅屋松蘿翳疎晚雨清
往來沽酒且有客胡為奔走不自停四海紛然靈暄多
我憂豈但白馬盟藜藿未足飽我腹况又一頃供耕耘
只今騎驢望八極終日飄飄浪如許可堪顏色太癯生
憂愁盡入篇章苦信眉一笑古復作却似韓宣適東魯
此生蕩漾胡能留雨脚風塵奚所休此道滄浪付一漚
喚之千古與爾謀吾亦往矣作春秋

水月亭

前人

陽來中坤坎波翻月本於地仍東還誰為聚之古祇柏
涵碧湛湛琉璃盤珊瑚晶瑛澈凝湍西風晚來覺秋寬
海蕩冰碎天飛旋瞿曇指心以探禪魄死澤困與爾言
夜游倚聲霓裳謹捉影或墮不可援幻癡益多吾慄然
明河繞衣吹珮環毛髮飄蕭亂空寒頗欲求槎此窮源
脫屣濁世搏林騫采華食葉為玉仙

題新繁勾氏盤溪

勾昌泰

黃塵沒車轍平地得林丘花木風光早陂池煙雨秋不
彈長劍缺甘賦大刀頭九軌利名痼逢君應少瘳
從容鮮所得九年中一毛強牽麋鹿性要學豹龍韜野
服顏常好晴窗首自搔向來誤應聘塵上汙吾袍
客至輒命酌為言花已開青山長委髻白骨舊生苔不
飲固癡絕能詩宜數來頗憂明日雨紅紫落成堆
勝簪不肯黑浮頰故能紅心寄塵埃外春歸杖屨中徑
松青謾謾庭草碧茸茸無術繫白日年光如轉蓬

登待鶴亭

橫峯亂嶺如奔蛇前者欲起後驅呼危亭獨立一回首
天罅雲隙皆收羅手攀落日意不盡目送孤鴻愁更多
愁風衣裳客未冷我欲飲酒君當何

與客遊滄浪亭以萬里橋西一草堂為韻得一字

前人

霧回林蒼黃漲落水寒碧西郊好風景曉霽千里色相
從二三子掃洒溪上石主人亦愛客沽酒炊玉粒年荒

酒味薄相勸取吻濕同光與共景美此竹間日沄沄憂
端來落落險語出穿機誰復設骯髒各自適跳波醉中
舞野唱寒外急牛羊歸匆匆鳬雁來一一觸行豈不好
酒盡歸亦得頽然寄夫放未愛世禍迫永懷堂中翁回
首千歲跡豈無獨往願冉冉饑凍逼霜空洞庭野天闊
雲夢澤欲窮扶桑枝尚掛滄海席何當從今去一夜生
羽翼

成都文類卷八

欽定四庫全書

成都文類卷九

宋 扈仲榮等 編

詩

時序

故事 宴集

歲暮

唐杜甫

歲暮遠為客邊隅還用兵煙塵犯雪嶺鼓角動江城天
地日流血朝廷誰請纓濟時敢愛死寂寞壯心驚

金華日人集
卷九
春歸

前人

苔徑臨江竹茅簷覆地花別來頻甲子歸到忽春華倚
杖看孤石傾壺就淺沙遠鷗浮水靜輕燕受風斜世路
雖多梗吾生亦有涯此身醒復醉乘興即為家

後至

前人

冬至至後日初長遠在劍南思洛陽青袍白馬有何意
金谷銅駝非故鄉梅花欲開不自覺揀夢一別永相望
愁極本憑詩遣興詩成吟咏轉淒涼

寒食

前人

寒食江村路風花高下飛
汀煙輕冉冉竹日淨暉暉
田父要皆去鄰家問不違
地偏相識盡鷄犬亦忘歸

立秋日雨院中有作

前人

山雲行絕塞大火復西流
飛雨動華屋蕭蕭梁棟秋
窮途愧知己暮齒借前籌
已費清晨謁那成長者謀
解衣開北戶高枕對南樓
樹濕風涼進江喧水氣浮
禮寬心有適節爽病微瘳
主將歸調鼎吾還訪舊丘

秋盡

前人

秋盡東行且未迴
茅齋寄在少陵隈
籬邊老却陶潛菊
江上徒逢袁紹盃
雪嶺獨看西日落
劍門猶阻北人來
不辭萬里長為客
懷抱何時得好開

正月三日歸溪上有作因簡院內諸公

前人

野外堂依竹籬邊
水向城蟻浮仍臘
味鷗汎已春聲藥
許鄰人斲書從稚子
擎白頭趨幕府深
學負平生

中秋夜聽歌聯句

唐武元衡

元衡在蜀淡於接物而開府極一時選公綽
為少尹正壹觀察判官備度支判官裴度掌
書記盧士玫觀察支使李虛中觀察推官楊
嗣復節度推官

此夕來奔月何時去上天

備

雲環方自照玉腕更呈鮮

度嫵婉人間意飄飄物外緣

公綽上相公

詩裁明月扇歌索

想夫憐

元衡奉
盧侍御

暗染荀香久長隨楚夢偏

放

會當來彩

鳳髻鬅逐神仙

士致

早秋西亭宴徐員外

前人

鼎鉉辭台座
麾幢領益州
曲池連月曉
橫笛滿城秋
有美皇華使
曾同白社遊
今來重相見
偏覺艷歌愁

二月初二日萬里橋小遊江宴集詩

張詠

春遊千萬家
美女顏如花
三三兩兩映花立
飄飄似欲乘煙霞
我身豈此浮遊輩
蜀地重來治凋瘵
見人非理

即傷嗟見人觀樂生慈愛昔賢孜孜戒驕蕩猖狂不是
風流樣但使家肥在禮讓歲歲春光好遊賞

成都遨樂詩

田況

四方成傳蜀人好游娛無時予始亦信然之
逮忝命守益梶輅隄月即及春游每與民共
樂則作一詩以紀其事自歲元祖景至止得
古律長調短韻共二十一章其間上元燈夕
清明重九七夕歲至之類又皆天下之所共

豈曰無時哉傳之者過矣蜀之士君子欲予
詩聞於四方使知其俗故復序以見懷

元日登安福寺塔

前人

歲歷啟新元錦里春意早詰旦會朋衆羣游儼騶導像
塔倚中霄翬檐結重櫺隨俗縱危步超若薄清昊千里
如指掌萬象可窮討野濶山勢迥寒餘林色老遨賞空
閭巷竭來誼稚耄人物事多閒車馬擁行道顧此懽娛
俗良慰羈遠抱第憂民政踈無庸答宸造

二日出城

前人

初歲二之日言出東城閭緹騎隘重郭游車空行塵原
野信滋腴景物爭光新青疇隱遙埧弱柳垂芳津邈卒
具威械祭墻列重茵俗尚各有時孝思情則均歸途喧
鼓饒聚觀無富貧坤隅地力狹百業常苦辛設微行樂
事何由裕斯民守候其勉旃亦足彰吾仁

五日州南門蠶

前人

齊民聚百貨貿鬻貴及時乘此耕桑前以助農績資物

品何其夥碎瑣皆不遺編籀列箱筥飭木柄鎡錡備用
誠為急舍器工曷施名花蘊天艷靈藥昌壽棋根萌漸
開發策載相參差游人銜識賞善價求珍奇予真徇俗
者行觀亦忘疲日暮宴觴罷衆皆云適宜

上元燈夕

前人

予嘗觀四方無不樂嬉游惟茲全蜀區民物繁他州春
宵寶燈然錦里煙香浮連城悲奔驚千里窮邊陬粉排
合繡袂軼軼馳香輶人聲震雷遠火樹華星稠鼓吹匝

地喧月光斜漢流
懽多無永漏坐久
凭高樓民心感上
恩釋唄歌神猷齊
音祝東北帝壽長
嵩丘

二十三日聖壽寺前蠶市

前人

龍斷爭趨利仁園
敞邃深經年儲百
貨有意享千金器
用先農事人聲混
樂音蠶叢故祠在
致祝順民心

二十八日謁生祿祠遊淨衆寺 前人

千騎出重閨嚴祠
淨宇鄰映林沽酒
旆迎馬猷花人艷
日披江霧香飈起
路塵韶華特明媚
不似遠方春

二月二日游江會寶厯寺

前人

昔日張復之

諱字也

來乘寇亂餘三春雖宴賞四野猶艱

虞遂移踏青會登舟恣游娛戎備漸解弛人情悉安舒
垂茲五十年材哲不敢踰愚來再更朔遽及中春初綵
旆列城隈畫舫滿江隅輕撓下奔瀨縱興臨精廬因思
賢守事所作民乃孚茲惠未為大大者其忘諸

八日大慈寺前蘇市

前人

蜀雖云樂土民勤過四方寸壤不容隙僅能充歲糧間

或客墮嬾曷能備凶痒所以農桑具市易時相望野氓
集廣鄺衆賈趨寶坊博本誠急務戒其靡愆常茲會良
足喜後賢無忽忘

寒食出城

前人

郊外融和景濃於城市中歌聲留客醉花意盡春紅游
人一何樂歸馭莫忽忽

開西園

前人

春風寒食節夜雨晝晴天日氣薰花色韶光徧錦川臨

流飛鑿落倚樹立鞦韆檻外游人滿林間飲帳鮮衆音
方雜還餘景更留連座客無辭醉芳菲又一年

三月三日登學射山

前人

麗日照芳春良會重元巳陽濱修祓除華林程射技所
尚或不同茲俗亦足喜門外盛車徒山半列鄧市彩棚
飛鏑遠醉席歌聲起回頭望城郭煙靄相表裏秀色滿
郊原遙景落川洑目倦意猶遲思餘情未巳登高貴能
賦感物暢幽旨宜哉賢大夫田斯見材美

九日大慈寺前蠶市

前人

高閣長廊門四開
新晴市井絕纖埃
老農肯信憂民意
又見笙歌入寺來

二十一日游海雲山

前人

春山縹翠一谿清
滿路游人語笑聲
自媿非才無異績
止隨風俗順民情

三月十四日大慈寺建道場

前人

赤精流景鑠朱夏
向清和紺宇修祠
盛華封祝慶多簪

裳千載遇鐘梵五天歌遠俗尤熙泰皇猷信不頗

乾元節

前人

感帝開鴻緒薰風正阜生億年逢景運萬國贊丕平瑞
靄承龍闕晨曦啟鳳城臚賓趨陞城樂侑備韶英譯導
來珍貢醑懽洽頌聲曼齡均慶祝閭澤慰羣情地有捫
參遠人懷就日誠願將民共樂聊以報皇明

四月十九日汎浣花谿

前人

浣花谿上春風後節物正宜行樂時十里綺羅青蓋密

萬家歌吹綠楊垂盡舡疊鼓臨芳淑綵閣凌波汎羽卮
霞景漸曛歸櫂促滿城懽醉待旌旗

伏日會江瀆池

前人

長空赤日真可畏三庚遇火氣伏藏溫風溽忍鬱不開
流背汗洽思清涼江瀆祠前有流水灌注蓄泄為池塘
沈沈隆厦壓平岼好樹蔭亞芙蓉香登舟命酒賓朋集
逃水大飲宜滿觴絲竹聒耳非自樂肆望觀者如堵牆
吾儕未能免俗索近日頗因炎景長今晨縱游不覺暮

形為外役暑亦忘豈如高齋滌百慮危坐自造逍遙鄉

七月六日晚登大慈寺閣觀夜市 前人

萬里銀橫貫紫虛橋邊螭轡待星姝年年巧若從人乞
未省靈恩徧得無

七月十八日大慈寺觀施孟蘭盆 前人

飛閣穹窿軼翠煙孟蘭盛會衆喧闐且欣酷暑從茲減

漸有涼風快夕眠

京洛間俗言過
孟蘭盆則暑退

重陽日州南門藥市

前人

次定可事上書

冬至朝拜天慶觀會大慈寺

前人

景至履佳辰朝祖著國令黃宮啟潛萌紫宇晨蔭映陽
德比君子吾道實可慶矧丁皇運亨遇主亮舜聖坤維
最遠方拙者此尸政雅俗舊儒文民牒少訟爭幸足宣
上恩惟恐盪物性良時不易得行樂未為併高會縱嬉
遨豐歲愈繁盛與衆助驩欣寄情於俚詠

次韻和李長學士正月二十八日出郊見寄之

什

宋祁

雅俗傳祠日年華重宴辰初陽澹江霧小雨破街塵
客蓋浮輕吹齋刀儼後陳林芳催兔目原色換龍鱗
壤路歌聲雜構倡舞疊新持盃徧酬客惟欠眼中人
二月十八日席上方億季長未還不同斯樂
欲作寄之會使者來已有新章今牽聯成篇

并呈上

前人

煙壓西郊雨曲津滿城歌吹為芳長江形左右衣留帶
柳色高低趨與塵暖逼園花迎望密曉催林鳥每啼新

知君貪擁光華節未肯樽前共惜春

九日宴射

前人

佳節憑高駐綵旗亭臯露罷轉晨曦
墀間羽集號猿後臺外塵飛戲馬時
芳菊治痾爭汎葉丹萸辟惡徧傳枝
明年此會知何處醉玉頽山不用辭

十里宴江瀆亭

前人

節去歡猶在賓來賞更延
悠揚初短日淒緊乍寒天
霽沼元非漲秋花自少妍
蟻留新獻討蕙續不殘
煙戲鯉

衝餘藻游龜避折蓮流芳真可惜從此遂凋年

重陽不見菊二首

前人

戲馬佳辰菊未黃有人惆悵獨持觴
心知不作怱怱意故欲凌寒定早霜

蜀地秋高未擬寒翠苞如粒露華乾
重陽已過君休恨留取金英晚節看

九日藥市作

前人

陽九協嘉神期人始多暇五藥會廣廛
游肩開相駕靈

品羅賈區仙芬冒闔舍擷露來山阿斲煙去巖罅係道
維提攜盈襜更薦籍乘時物無賤投乏利能射養琴互
作主參齊交相假音曹植謹贗令韓康無二價西南歲
多癘旱濕連春夏佳劑止刀圭千金厚相謝刺史主求
瘼萬室繫吾化顧賴惡石功捫衿重慙惜

奉和鄭公軍城早秋

前人

秋風嫋嫋動高旌玉帳分弓射虜營已收滴傳雲間戍
欲奪蓬婆雪外城

遊鴻慶寺

韓絳

久旱雨初足樂遊春正深
喧闐觀士女清曠入山林
佛

界雲成寶僧園地布金方塘探子石

舊俗池中探石以賣呼之云子高

閣會賓簪沙水通溪白松筠逐徑陰
紛華從滿目幽寂自虛心
印組端為累巖扃得暫尋
晚風吹綠野歸騎已駸駸

和韻

吳師孟

十里東郊道茲遊歲月深
參僚從行府高會適叢林
穉

子喧沽玉春姬笑子金咳珠僧護寶醉弁客遺簪天賜

連霄澤民歡畢晝陰

前此二日甘雨應祈至足陰涼薄暮士庶謂韓公福惠感召分

明造物手自在出塵心非相雖無住殘芳尚可尋都人
望旋旆車馬又駸駸

游海雲山

趙抃

縹緲齊雲閣喧闐模石池物華春已盛人意樂無涯羅
綺一山徧旌旗十里隨遨棚夾歸路驍騎看星馳

和韻

蘇軾

笙歌揭虛閣帷幕匝春池且與民同樂都忘天一涯舊
遊嗟倏忽故步喜追隨陌上人如堵歸鞍莫載馳

和韻

邢夢臣

使旌駟近郭民宴列芳池洩洩春臺上沉沉暮海涯鴻
驚人宛轉電激騎追隨此會經年至須防日似馳

和韻

霍交

山深藏古寺旁枕舊芳池鼓響揭雲外石探從水涯使
旌遊不倦瑞麥獻相隨事簡民同樂歸心莫競馳

游海雲寺唱和詩

卷九

成都風俗歲以三月二十一日遊城東海雲
寺摸石於池中以為求子之祥太守出郊建
高旗鳴笳鼓作馳騎之戲大譙賓從以主民
樂觀者夾道百里飛蓋蔽山野謳謳嬉笑之
聲雖田野間如市井其盛如此渤海吳公下
車期月簡肅無事從容高會于海雲酒既中
顧謂寮屬曰一觴一詠古人之樂事也首作

七言詩以寫勝賞席客亦有以詩獻者更相
酬和得一十三篇廼命幕下吏會稽王霽為
之序霽斐薄不能文恐愧勉從公命夫俳倡
絃竹其樂外也吟詠性情其樂內也充諸內
則能遺外之樂流於外則內有所喪今公既
推內之樂以樂賓又盡外之樂以樂民可謂
得其樂矣

吳中復

錦里風光勝別州海雲寺枕碧江頭連郊瑞麥青黃秀

遶路鳴泉深淺流彩石池邊成故事茂林坡上憶前遊
予昔嘗陪樞密田公遊此綠樽好伴衰翁醉十日殘春不少留

和韻

范純仁

東郊行樂冠西州古寺岑巖翠嶺頭化俗文翁傳愷悌
尋山謝傅繼風流天涯罇酒欣相遇劒外三春得共遊
雅興直須窮勝賞年光難使隙駒留

和韻

韓宗道

茂林脩竹翠煙收寺枕清江江上頭好鳥啼春知客恨

落花浮水近入流政閒不廢登臨賞意適真成汗漫遊
紫陌紅塵歸路遠夕陽回首重遲留

和韻

張湍

海雲真賞甲刀州十里春光拂馬頭花酒價高分宴樂
綺羅人好助風流出郊行旆從編俗摸石居民事勝遊
斜日懽心猶未足藩侯歸轡為遲留

和韻

楊希元

三春行樂盛刀州况是春光欲盡頭使節在郊觀似堵

香輪爭道去如流正逢鈴閣多開日肯對花時負勝遊
會得公心惜歡意欲歸猶自儘遲留

和韻

勾士良

佛土依山福遠州春行繡騎上雲頭補天彩石盈池在
朝海清江繞寺流四國仰煩郇伯勞羣生翹望謝安遊
早知為礪為霖意惟有西民欲暫留

和韻

馮介

及時行樂慰刀州曉背重城信馬頭彩石散隨香被去

芳塵紛逐鈿車流
恣恣曲水當年會
草草東山舊日遊
不似海雲今獨勝
清風長共好詩留

和韻

呂陶

玉節重來鎮此州
暫驅千騎上峯頭
春閑好為良辰惜
俗樂誰知急景流
山色也疑今日盛
物華渾勝頃年遊
登臨賦詠應難再
持語鄉人早借留

和韻

薛綈

寺占靈峯更近州
喧闐從錦纈頭
歌鐘乍奏晴雷殷

戈甲急趨春水流幾處醉眠方枕藉一城謠俗重嬉遊
賢侯惠意民知否幾刻嚴闥為爾留

和韻

王霽

大帥新謠十五州殘春摸石是遨頭氤氲喜氣隨民遍
冉冉風光盡日流野俗只知觀讌賞主人非獨為嬉遊
晚迴都騎簫輦引觀稼郊原亦暫留

和韻

黃元

海雲春賞冠西州醉帽花枝半壓頭笳鼓不徒同俗樂

篇章還許綴詩流
祇應勝事多前日
長恐無人繼後遊
台鼎行聞虛席召
此歡須少為民留

續和僉判太博遊海雲

吳中復

海雲摸石近東城
莽蒼春郊去路平
遶寺溪光照金絡
夾堤柳色混青旌
榴花新釀盈樽渌
玉柄高談照座清
上客西州勝京口
給鮮牛炙旋供烹

踏青

梅執

綺場紛紛十里賒
望中煙景半春華
人遊寶厯青絲騎

路隘土橋金犢車綠襯鳳頭垂逕草紅攢鷓首照汀花
夕陽敲鐙餘歡在不惜鸛裘認酒家

自和

前人

龜堞春遊土著蒼青青踏去冒煙華翠停舫艤客尋寺
紅卸暮罹人上車亭落五重沽卓酒釵行十二步潘花
乘歡醉盡高陽侶倒戴歸來不認家

丁酉重九樂市呈坐客

范成大

余於南北西三方皆走萬里皆過重九每作
水調一闋燕山首句萬里漢宮使桂林首句

萬里漢都謾成都首句萬里橋邊客今歲倦
游甚矣不復再和前曲仍作此詩以自戲

莫向登臨怨落暉自緣羈官阻歸期年來厭把三邊酒
此去休哦萬里詩烏帽不辭歌短髮黃花終是欠東籬
若無合坐揮毫健誰嗣西風楚客悲

鹿鳴燕

前人

岷峨鍾秀蜀多珍坐上儒冠更逸羣墨沼不憂經覆瓿
琴臺重有賦凌雲文章小技聊干祿道學初心擬致君
富貴功名今發軔願看稽古策高勲

會慶節大慈寺茶酒

前人

霜暉催曉五雲鮮萬國懽呼共一天
淡淡暖紅旗轉日
浮浮寒碧瓦收煙
銜盃樂勝千秋節
擊鼓迎冬大有年
忽憶捧觴供玉座
不知身在雪山邊

冬至日天慶觀朝拜雲日晴麗遙想郊禋慶成
作歡喜口號

前人

浙浙霜風不滿旗
紫煙黃氣捧朝曦
五更貫索埋光後
萬里鈎陳放仗時
留滯周南無舊事
布宣漢德有新詩

豐年四海皆溫暖願把驩心壽玉卮

十一月日海雲賞山茶

前人

門戶懽呼十里村臘前風物已知春
兩年池上經行處
萬里天邊未去人
客鬢花身俱歲晚
粧光酒色且時新
海雲橋下溪如鏡
休把冠巾照路塵

丁酉正月二日東郊故事

前人

椒盤宿酒未全醒
擾擾金鞍逐畫駟
春雨一犁隨處綠
柳煙千縷
幾時青客愁
舊歲連新歲
歸路長亭間短亭

萬里松椒雙淚墮風前安得諱飄零

清明日試新火作牡丹會

前人

蜀人以洛中千葉種
為京花單者為川花

再鐫巴火尚浮家去國年多客路賒那得青煙穿御柳
且將銀燭照京花香鬢半醉斜枝重病眼全昏瘴霧遮
錦地綉天春不散任教簷雨卷泥沙

十二月十八日海雲賞山茶

前人

追趁新晴管物華馬蹄鬆快帽簷斜天南臘盡風晞雪

冰下春來水漱沙已報主林催市柳仍從掌故問山茶
豐年自是驪聲沸更着牙前盡鼓撾

鞭春微雨

前人

穠勝絲絲雨
 笙歌步步塵
 一年新樂事
 萬里未歸人
 雲薄竟慳雪
 酒濃先受春
 送寒東作近
 漸愧耦耕身

丙申元日安福寺禮塔

前人

成都一歲故事始於此塔士女大
集拜塔下燃香掛幡穰兵火之災

嶺梅蜀柳笑人忙
歲歲椒盤各異方
耳畔逢人無魯語

蜀人鄉音極難解其為京洛音輒謂之虜語或是僭偽時以中國自居循習至今不改也既又諱之改作魯語尤可笑始鬢邊隨我是吳霜新年後飲餘酥酒故事先就用其字

然窄堵香石筍新街好行樂與民同處旦逢場

余新覓石筍街

初三日出東郊碑樓院

前人

故事祭東君因宴此院蜀人皆以此日掃墓

遠柳新晴暝紫煙小江吹凍舞清漣紅塵一闌人歸後
跼跼飢薦蹙紙錢

郊外閱驍騎剪柳

前人

千騎同瞻白羽揮驚塵一闕響金機不知掣電彎弓過
但覺柳梢隨箭飛

再去東郊

前人

晚境增年慣官身作客諳大都緣偶熟豈是性能堪昔
者開三徑他時老一龕越溪新種竹芸綠想氈氈

三月二日北門馬上

前人

新街如拭過鳴騶芍藥酴醾競滿頭十里珠簾都卷上
少城風物似揚州

少城張儀所築子城也土甚堅橫木皆朽皆有穿眼土相着不解散

金步日八二
卷九
上已前一日學射山萬歲池故事

前人

北鄰征路記前迴三尺驚塵馬踏開新漲忽明多病眼
好風如把及時盃青黃麥隴平平去踈密楹林整整來
游騎不知都幾許長堤十里轉輕雷

上巳日萬歲池坐上呈提刑程詠之

前人

降春酒暖絳煙霏漲水天平雪浪遲綠岸翻鷗如北渚

紅塵躍馬似西池麥苗剪剪嘗新麪梅子雙雙帶折枝
試比長安水邊景祇無飢客為題詩

三月二十三日海雲摸石

前人

勸耕亭上往來頻四海萍浮老病身亂插山茶猶昨夢
重尋池石已殘春驚心歲月東流水過眼人情一閨塵
賴有貽牟堪飽飫道逢田畯且眉伸

四月十日出郊

前人

約東南風徹曉忙收雲捲雨一川涼漲江混混無聲綠

熟麥騷騷有意黃
吏卒遠時閑信馬
田園佳處忽思鄉
隣翁萬里應相念
春晚不歸同挿秧

春日五首

何耕

聞道西樓下香風颭綺羅
無錢沽酒得不醉奈愁何
老去春緣薄慵來睡興多
閉門終一枕亦不夢南柯
寂寞城南寺三年寄索居
折花修佛供持鉢乞僧余
竟日無車騎依時認鼓魚
九衢塵一尺吾自有華胥

門前無俗物城上亦奇觀
花浪東流穩雲山西望寒
身

凌塵外遠目極意中寬最愛風標客晴沙理素翰
萬里橋邊水朝宗入去吳袞衣新歷數神算舊規模四
海從心正諸公着力無際天冬望眼渺渺但平蕪
唇齒輔車勢坤維井絡方只宜花柳盛莫遣鳥魚忙隴
麥無由食邊籌足可防出言還有禁忍淚不成行



成都文類卷九

欽定四庫全書

集部

成都文類卷十一

詳校官左中允_臣塘五珠

助教_臣常循覆勘

總校官知縣_臣繆琪

校對官編修_臣邱庭澂

謄錄監生_臣沈姓

欽定四庫全書

成都文類卷十

宋

扈仲榮等

編

詩

題詠

書畫

器物

雨雪

風月

草木

虫魚

琴歌二首

漢司馬相如

鳳兮鳳兮歸故鄉遨遊四海求其凰時未遇兮無所將
何悟今夕升斯堂有豔淑女在閨房室邇人遐毒我腸

何緣交頸為鴛鴦胡頡頏兮共翱翔

鳳兮鳳兮從我栖得託孳尾永為妃交情通體心和諧
中夜相從知者誰雙翼俱起翻高飛無感我思使余悲

蜀國絃

梁簡文帝

銅梁指斜谷劒道望中區通星上分野作固下為都雅
歌因良守妙舞自巴渝陽城嬉樂盛劒騎鬱相趨五婦
行難至百兩好遊娛牲祈望帝祀酒酌蜀侯誅江妃納
重聘卓女愛將雛停絃時繁爪息吹治脣朱脫衫湔錦

浪回扇避陽烏聞君握節返賤妾下城隅

同前

隋盧思道

西蜀稱天府由來擅沃饒雲浮玉壘夕日映錦城朝南
尋九折路東上七星橋琴心若易解令客豈難要

送姚評事入蜀各賦一物得卜肆

唐張九齡

蜀巖化已久沉冥空所思嘗聞賣卜處猶憶下簾時驅
傳應經此懷賢儻問之歸來說往事歷歷偶心期

奉觀嚴鄭公廳事岷山沱江畫圖十韻

唐杜甫

沱水臨中座岷山到北堂
白波吹粉壁青嶂插雕梁
直訝杉松冷兼疑菱荇香
雪雲虛點綴沙草得微茫
嶺鴈隨毫末川蜺飲練光
霏紅洲藥亂拂黛石蘿長
暗谷非關雨丹楓不為霜
秋成玄圃外景物洞庭傍
繪事功殊絕幽襟興激昂
從來謝太傅丘壑道難忘

石鏡

前人

蜀王將此鏡送死至空山冥冥憐香骨提携近玉顏衆
妃無復歎千騎亦虛還獨有傷心石埋輪月宇間

嚴公廳宴同詠蜀道畫圖

前人

日臨公館靜畫列地圖雄劒閣星橋北松州雪嶺東華
夷山不斷吳蜀水相通興與烟霞會清樽幸不空

謝嚴中丞送青城山道士乳酒一瓶

前人

山瓶乳酒下青雲氣味濃香幸見分鳴鞭走送憐漁父

洗盞開嘗對馬軍

梅雨

前人

南京屏浦道四月熟黃梅湛湛長江去冥冥細雨來茅
茨踈易濕雲霧密難開竟日蛟龍喜盤渦與岸回

蕭八明府實處覓桃栽一百

前人

奉乞桃栽一百根春前為送浣花村河陽縣裏雖無數
濯錦江邊未滿園

憑何十一少府邕覓楨木數百栽

前人

草堂塹西無樹林
非子誰復見幽心
飽聞檜木三年大
與致溪邊十畝陰

嚴鄭公堦下新松

得霑字

前人

弱質豈自負移根
方爾瞻細聲聞玉
帳疎翠近珠簾未
見紫煙集虛蒙清
露霑何當一百丈
畝蓋擁高簷

石犀行

前人

君不見秦時蜀太
守刻石立作三犀
牛自古雖有厭勝

法天生江水向東流蜀人矜誇一千載泛溢不近張儀樓今年灌口損戶口此事或恐為神羞終藉隄防出衆力高擁木石當清秋先王作法皆正道詭怪何得衆人謀嗟爾三犀不經濟缺訛只與長川逝但見雲氣常調和自免洪濤恣彫瘵安得壯士提天綱再平水土犀奔茫

石笋行

前人

君不見益州城西門陌上石笋雙高蹲古來相傳是海

眼苔蘚蝕盡波濤痕雨多往往得琴瑟此事恍惚難明
論恐是昔時卿相墓立石為表今仍存惜哉俗態好蒙
蔽亦如小臣媚至尊政化錯迕失大體坐看傾危受厚
恩嗟爾石笋擅虛名後來未識猶駿奔安得壯士擲天
外使人不疑見本根

古栢行

前人

孔明廟前有老栢柯如青銅根如石霜皮溜雨四十圍
黛色參天二千尺君臣已與時際會樹木猶為人愛惜

雲來氣接巫峽長月出寒通雪山白憶昨路繞錦亭東
先主武侯同閼宮崔嵬枝幹郊原古窈窕丹青戶牖空
落落盤踞雖得地冥冥孤高多烈風扶持自是神明力
正直元因造化功大厦如傾要梁棟萬牛迴首丘山重
不露文章世已驚未辭剪伐誰能送苦心豈免容螻蟻
香葉終經宿鸞鳳志士幽人莫怨嗟古來材大難為用

大雨

前人

西蜀冬不雪春農尚嗷嗷上天回哀眷朱夏雲鬱陶執

熱乃沸鼎織絺成緼袍風雷颯萬里霈澤施蓬蒿敢辭
茅葦漏已喜黍豆高三日無行人二江聲怒號流惡邑
里清矧茲遠江皋荒庭步鶴鶴隱几望波濤沉痾聚藥
餌頓忘所進勞則知潤物功可以貸不毛陰色靜壠畝
勸耕自官曹四鄰出來耜何必吾家操

四松

前人

四松初移時大抵三尺強別來忽三歲離立如人長會
看根不拔莫計枝凋傷幽色幸秀發踈柯亦昂藏所挿

小藩籬本亦有隄防終然振撥損得愧千葉黃敢為故
林主黎庶猶未康避賊今始歸春草滿空堂覽物歎衰
謝及茲慰淒涼清風為我起洒面若微霜足以送老姿
聊待偃蓋張我生無根蒂配爾亦茫茫有情且賦詩事
迹兩可忘勿矜千載後慘澹穹蒼

枯櫟

前人

蜀門多櫟櫚高者十八九其皮割剥甚雖衆亦易朽徒
布如雲葉青黃歲寒後交橫集斧斤凋喪先蒲柳傷時

苦軍乏一物官盡取嗟爾江漢人生成復何有有同枯
櫟木使我沉歎久死者即已休生者何自守啾啾黃雀
啁側見寒蓬走念爾形影乾摧殘沒藜莠

枏樹為風雨所拔歎

前人

倚江枏樹草堂前故老相傳二百年誅茅卜居摠為此
五月髣髴聞寒蟬東南飄風動地至江翻石走流雲氣
幹排雷雨猶力爭根斷泉源豈天意滄波老樹性所愛
浦上童童一青蓋野客頻留懼雪霜行人不過聽竽籟

虎倒龍顛委榛棘淚痕血點垂胃臆我有新詩何處吟
草堂自此無顏色

杜鵑

前人

西川有杜鵑東川無杜鵑涪萬無杜鵑雲安有杜鵑我
昔遊錦城結廬錦水邊有竹一頃餘喬木上參天杜鵑
暮春至哀哀叫其間我見常再拜重是古帝魂生子百
鳥巢百鳥不敢嗔仍為餒其子禮若奉至尊鴻鴈及羔
羊有禮太古前行飛與跪乳識序又知恩聖賢吾法則

付之後世傳君看禽鳥情猶解事杜鵑今忽暮春間值
我病經年身病不能拜淚下如迸泉

杜鵑

前人

君不見昔日蜀天子化作杜鵑似老烏寄巢生子不自
啄羣鳥至今與哺雛雖同君臣有舊禮骨肉滿眼身羈
孤業工竄伏深樹裏四月五月偏號呼其聲哀痛口流
血所許何事常區區爾豈摧殘始發憤羞帶羽翮傷形
愚蒼天變化誰料得萬事反覆何所無豈憶當殿羣臣

趨

從韋二明府續處覓綿竹三數叢

前人

華軒藹藹他年到綿竹亭亭出縣高江上舍前無此物
幸分蒼翠拂波濤

憑韋少府覓松樹子

前人

落落出羣非櫟柳青青不朽豈楊梅欲存老蓋千年意
為覓霜根數十來

又於韋處乞大邑瓷盆

前人

大邑燒瓷輕且堅扣如哀玉錦城傳君家白盃勝霜雪
急送茅齋也可憐

詣徐卿覓果栽

前人

草堂少花今欲栽不問綠李與黃梅石筍街中却歸去
果園坊裏為求來

春夜喜雨

前人

好雨知時節當春乃發生隨風潛入夜潤物細無聲野

徑雲俱黑江船火獨明曉看紅濕處花重錦官城

江畔獨步尋花七絕句

前人

江上被花惱不徹無處告訴只顛狂走覓南鄰愛酒伴
經旬出飲獨空牀

稠花亂蘂裏江濱行步歛危實怕春詩酒尚堪驅使在
未須料理白頭人

江深竹靜兩三家多事紅花映白花報答春光知有處
應須美酒送生涯

東望少城花滿煙
百花高樓更可憐
誰能載酒開金盞
喚取佳人舞繡筵

黃師塔前江水東
春光懶困倚微風
桃花一簇開無主
可愛深紅映淺紅

黃四娘家花滿蹊
千朵萬朵壓枝低
留連戲蝶時時舞
自在嬌鶯恰恰啼

不是愛花即欲死
只恐花盡老相催
繁枝容易紛紛落
嫩葉商量細細開

病柏

前人

有栢生崇崗童童狀青蓋偃蹇龍虎姿主當風雲會神
明依正直故老多再拜豈知千年根中路顏色壞出非
不得地蟠據亦高大歲寒忽無憑日夜柯葉改丹鳳領
九雛哀鳴翔其外鴟鴞志意滿養子穿穴內容從何鄉
來佇立久吁怪靜求元精理浩蕩難倚賴

病橘

前人

羣橘少生意雖多亦奚為惜哉結實小酸澁如棠梨剖

之盡蠹蟲采掇爽其宜紛然不適口豈止存其皮蕭蕭
半死葉未忍別故枝玄冬霜雪積况乃迴風吹嘗聞蓬
萊殿羅列瀟湘姿此物歲不稔玉食失光輝寇盜尚憑
陵當君減膳時汝病是天意吾諗罪有司憶昔南海使
奔騰獻荔枝百馬死山谷到今耆舊悲

枯枿

前人

梗枿枯崢嶸鄉黨皆莫記不知幾百歲慘慘無生意上
枝摩皇天下根蟠厚地巨圍雷霆坼萬孔蟲蟻萃凍雨

落流膠衝風奪佳氣白鵠遂不來天雞為愁思猶含棟
梁具無復霄漢志良工古昔少識者出涕淚種榆水中
央成長何容易截承金露盤裊裊不自畏

高枏

前人

枏樹色冥冥江邊一蓋青近根開藥圃接葉製茅亭落
景陰猶合微風韻可聽尋常絕醉困卧此片時醒

落日

前人

落日在簾鉤溪邊春事幽芳菲緣岸圓樵爨倚灘舟啁

雀爭枝墜飛蟲滿院遊
濁醪誰造汝酌罷散千憂

朝雨

前人

涼氣晚蕭蕭江雲亂眼飄
風鴛鴦藏近渚雨鷺集深條
黃綺終辭漢巢由不見堯
草堂樽酒在幸得過清朝

野人

前人

西蜀櫻桃也自紅野人相贈滿筠籠
數回細寫愁仍破萬顆勻圓訝許同
憶昨賜霑門下省退朝擎出大明宮
金盤玉筯無消息此日嘗新任轉蓬

江頭五詠

前人

丁香

丁香體柔弱，亂結枝猶墊。
細葉帶浮毛，疎花披素豔。
深栽小齋後，庶近幽人占。
晚壓蘭麝中，休懷粉身念。

麗春

百草競春華，麗春應最勝。
少須好顏色，多漫枝條剩。
紛紛桃李枝，處處摠能移。
如何貴此重，却怕有人知。

梔子

梔子比衆木人間誠未多於身色有用與道氣傷和紅
取風霜實青看雨露柯無情移得汝貴在映紅波

鵝鵝

故使籠寬織須知動損毛看雲莫恨望失水任呼號六
翮曾經翦孤飛卒未高且無鷹隼慮留滯莫辭勞

花鴨

花鴨無泥滓堦前每緩行羽毛知獨立黑白太分明不
覺羣心妬休牽衆眼驚稻梁霜汝在作意莫先鳴

嚴鄭公宅同詠竹

得香字

前人

綠竹半含籜新梢繞出牆色侵書帙晚陰過酒樽涼雨
洗娟娟靜風吹細細香但令無翦伐會見拂雲長

中秋夜錦樓望月

唐武元衡

玉輪初滿空迥出錦城東相向秦樓境分飛碣石鴻桂
香隨窈窕珠綴隔玲瓏不及前秋見團圓鳳沼中

同前得清字

唐王良會

德星搖北夜珥月滿重城香靄煙氣色颼颼砧杵聲令

行秋氣爽樂感素風輕共賞千年聖長歌四海清

同前得濃字

唐柳公綽

此夜年年月偏宜此地逢近看江水淺遙辨雪山重萬井金花肅千林玉露濃不唯樓上思飛蓋亦陪從

同前得蒼字

唐張正壹

高秋今夜月皓皓正蒼蒼遠水澄如練孤鴻迥帶霜旅人方積思繁宿稍沉光朱檻叨陪賞尤宜清漏長

同前得來字

唐徐放

玉露中秋夜金波碧落開鵲驚初泛濫鴻思共徘徊遠
目清光徧高空爽氣來此時陪永望更得上燕臺

同前

得前字秋字二篇

唐崔備

清景同千里寒光盡一年竟天多鴈過通夕少人眠照
別江樓上添愁野帳前隋侯恩未報猶有夜珠圓
四時皆有月一夜獨當秋照耀初含露徘徊正滿樓遙
連雪山淨迥入錦江流願以清光末年年許從游

蜀國絃

唐李賀

楓香晚華靜錦水南山影驚石墜猿哀竹雲愁半嶺涼
月生秋浦玉沙鱗鱗光誰家紅淚客不忍過瞿塘

錦官門西石婦詩

唐白居易

道傍一石婦無記復無銘傳是此鄉女為婦孝且貞十
五嫁邑人十六夫征行夫行二十載婦獨守孤茆其夫
有父母老病不安寧其婦執婦道一一如禮經晨昏如
起居恭順發心誠藥餌自調節膳羞必甘馨夫行竟不
歸婦德轉光明後人高其節刻石像婦形儼然整衣巾

若立在閨庭似見舅姑禮如聞環佩聲至今為婦者見此孝心生不比山頭石空有望夫名

司馬相如琴歌

唐張祐

鳳兮鳳兮非無凰山重水闊不可量梧桐結陰在朝陽濯羽弱水鳴高翔

織錦曲

唐王建

大女身為織錦戶名在縣家供進簿長頭起樣呈作官聞道官家中苦難回花側葉與人別唯恐秋天絲線乾

紅縷藏蕤紕茸軟蝶飛參差花宛轉一梭聲盡重一梭
玉腕不停羅袖卷窻中夜久睡髻偏橫釵欲墜垂著肩
合衣卧時參沒後停燈起在雞鳴前一匹千金亦不賣
限日未成官裏怪錦江水涸貢轉多宮中盡著單絲羅
莫言山積無盡日百尺高樓一曲歌

過嚴君平古井

唐鄭世翼

嚴平本高尚遠蹈古人風賣卜成都市流名大漢中舊
井改人世寒泉久不通年多既罷汲無禽乃遂空如何

屬秋氣唯見雙井桐

露青竹枝歌

唐顧况

鮮于仲通正當年章仇兼瓊在蜀川約束蜀兒採馬鞭
蜀兒採鞭不敢眠橫截斜飛飛鳥邊繩橋夜上層崖巔
頭插白雲跨飛泉採得馬鞭長且堅浮漚丁子珠聯聯
灰煮蠟楷光爛然章仇兼瓊持上天上天雨露何其偏
飛龍閑厩馬數千朝飲吳江夕秣燕紅塵撲轡汗濕韉
獅子麒麟聊比肩曲江昆明洗刷牽四蹄蹋浪頭栴天

蛟龍稽顙河伯虔拓羯胡鷄脚手鮮陳閔韓幹丹青妍
欲貌未貌眼欲穿金鞍玉勒錦連乾騎入桃花楊柳煙
十二樓中奏管絃樓中美人奪神仙爭愛大家把此鞭
祿山入關關破年忽見揚州北邸前祇有人還千一錢
亭亭筆直無皺節磨將形相一條鐵市頭自是無人別
江海賤臣不拘絁垂鞘挂影西窗缺稚子覓衣挑仰穴
家僮拾薪幾拗折玉潤猶霑玉壘雪碧鮮似染莢弘血
蜀帝祠邊子規咽相如橋上文君絕往年策馬降至尊

七盤九折橫劍門
穆王八駿超崑崙
安用冉冉孤生根
聖人不貴難得貨
金玉珊瑚誰買恩

詠海棠

唐鄭谷

濃澹方春滿蜀鄉
半隨風雨斷鶯腸
浣花溪上堪惆悵

子美無心為發揚

杜工部老於西蜀詩
集中無海棠之題

蜀中春雨

前人

海棠風外獨沾巾
襟袖無端惹蜀塵
和暖又逢挑菜日
寂寥未是探花人
不嫌蟻酒衝愁肺
却憶漁蓑覆病身

何事晚來微雨後錦江春學曲江春

倚檻大慈寺樓詠落葉

唐侯繼圖

拭翠歛悲蛾為鬱心中事
擗管下庭除書成相思字
此字不書石此字不書紙
書向秋葉上願逐秋風起
天下負心人盡解相思死

武侯廟古柏

唐李商隱

蜀相階前柏龍蛇捧閔宮
陰成外江畔老向惠陵東
大樹思馮異甘棠憶召公
葉彫湘燕雨枝拆海鵬風
玉壘

經綸遠金刀歷數終誰將出師表一為問昭融

錦二首

唐鄭谷

布素豪家定不看若無文彩入時難紅迷天子帆邊日
紫奪星郎帳外蘭春水濯來雲鴈活夜機挑處雨燈寒
舞衣轉轉求新樣不問亂離桑柘殘

文君手裏曙霞生美號仍聞借蜀城奪得始知袍更貴
着歸方覺畫偏榮宮花顏色開時麗池鳳毛衣浴後明
禮部郎官人所重省中別占好窠名

題風箏

唐高駢

駢鎮蜀日以南詔侵暴築羅城四十里朝廷
雖加恩賞亦疑其固護忽一日聞奏樂聲知
有改移乃題風箏寄意旬日報到移鎮渚宮
夜靜絃聲響碧空宮商信任往來風依稀似曲才堪聽
又被移將別調中

芙蓉花

偽蜀張立

孟後主於羅城上多種芙蓉每至秋時如鋪

錦繡高下相照作詩以刺之

四十里城花發時錦囊高下照坤維雖粧蜀國三秋色
難入幽風七月詩

去年今日到成都城上芙蓉錦繡舒今日重來舊游處
此花憔悴不如初

蜀牋寄弟洎

韓浦

十樣蠻牋出益州寄來新自浣溪頭繩樞草舍渾無用
助爾添修五鳳樓

蜀牋

文彥博

素牋明潤如溫玉新樣翻傳號冷金遠寄南都豈無意
緣公揮翰似山陰

華陽巾

俗謂之
隱士帽

前人

華陽山相遺巾法蜀國烏紗學製成公厭貂裘今已久
定知野服稱高情

蜀地海棠繁媚有思加膩幹豐條苒弱可愛北
方所未見諸公作詩流播西人予素好玩不能

自默然所道皆在前人陳跡中如國風申章亦

無愧云

宋祁

蜀國天餘煦珍葩地所宜濃芳不隱葉併豔欲然枝
縹綵分羣萼均霞點萬蕤回文錦城後夾煎燎烘時
蜂藥迎銜密鷺梢向坐危淺深雙絕態啼笑兩妍姿
絳節排煙竦丹缸落帶垂童容疑畏薄便面到邊遲

讓木

木即楠也其生直上柯葉不相妨蜀人號讓木

前人

葉葉枝枝相避繁攀枝庇葉獨怡顏無人為借天公力

移植方根虞芮間

海欒

前人

哆熾風葉張圉皴雨皮厚叢櫟列蓋端攢旄注旗首物
以稀見珍材緣怪忘醜

枇杷

前人

有果產西裔作花凌早寒樹繁碧玉葉柯疊黃金丸上
都不可寄咀味獨長歎

漱玉齋前雜卉皆龍圖王至之所植各賦一章

凡得八物或賞或否亦應乎至之意歟遂寫寄
至之

前人

萱草

脩筵無附葉繁萼攢筵首每欲問詩人定得忘憂否

淡紅石榴

移植自西南色淡無媚質不競灼灼華而效離離實

芍藥

有名見鄭風今賞異疇日采花當采根可能治民疾

蜀葵

紅白相嗣繁色鈍香亦淺相對庭戶間俗尚焉能免

竹

脩脩捎出類辭卑不肯叢有節天容直無心道與空

牡丹

采采照中堂玩花復持酒美質貴自成打剝終煩手

洛陽

花皆藉打
剝乃成花

菊

纖莖寒時密秀葉晚逾滋芳意君須識羣葩搖落時

芭蕉

不枝惟葉茂無幹信中空所以免摧折為依君子風

成都文類卷十